

## Anto Džalto, geom.



Sa žalošću su članovi porodice, rodbina, prijatelji i poznanici primili tužnu vijest, 03.06.2021. godine zauvijek ih je, nakon kratke ali preteške bolesti, napustio Anto Džalto. Bio je čovjek otvorene duše i velikog srca. Krasile su ga osobine dobrog i pouzdanog kolege i prijatelja. Pored dobrih ljudskih osobina bio je veliki stručnjak sa dugogodišnjim iskustvom u oblasti geodetsko-katastarskih poslova kao i u oblasti geodetskih poslova vezanih za zemljišnu knjigu – gruntovnicu. Svoje bogato znanje i iskustvo je sa velikim zadovoljstvom prenosio na mlade geodetske naraštaje.

Na vječni počinak je ispraćen 05.06.2021 godine na Novom bežanijskom groblju u Beogradu u Republici Srbiji.

Anto Džalto je rođen 23.12.1950. godine u Travniku. Djetinjstvo je proveo u Travniku gdje je završio osnovnu školu.

Nakon završetka osnovne škole upisuje Geodetsku tehničku školu u Sarajevu koju uspješno završava 1969. godine.

Po završetku Geodetske tehničke škole, zapošljava se u Šumsko industrijsko preduzeće „Sebešić“ u Travniku gdje ostaje do kraja 1992. godine.

U općini Novi Travnik radi od početka 2001. godine do kraja 2003. godine gdje radi na poslovima održavanja katastarskog operata katastra zemljišta kao i na poslovima usaglašavanja starog i novog premjera. Za potrebe Službe za imovinsko-pravne poslove i katastar Općine Novi Travnik, svakodnevno je vršio poslove vještačenja u upravnim postupcima tokom imovinsko-pravnih sporova.

Rad u oblasti geodetskih poslova nastavlja u Nišu, u Republici Srbiji. Sa mjesta geometra odlazi u zasluženu penziju, 2014. godine.

Skladan i harmoničan život je proveo u sretnom braku sa suprugom Dušankom sa kojom je dobio kćerku Dijanu i sina Davora.

Geodetska struka, kolege i prijatelji su smrću kolege Ante pretrpjeli ogroman gubitak jer je kolega Anto bio veliki čovjek, dobar stručnjak i iskreni prijatelj.

*Jusuf Topoljak*